

UGOVOR O KUPOPRODAJI

Zaključen dana 19.10.2017. godine u Sarajevu između:

JU „TERAPIJSKA ZAJEDNICA - KAMPUS KANTONA SARAJEVO“, sa sjedištem u Sarajevu, Rakovica, iznad sela Kešelji bb, koju zastupa direktor Kenan Kestendžić (u daljem tekstu: Kupac) i
„MDA“ d.o.o. Vogošća, ul. Donji Hotonj bb, Vogošća koga zastupa direktor Danijel Miloš (u daljnjem tekstu: Prodavac)

PREDMET UGOVORA

Član 1.

Predmet ovog ugovora je roba iz prodajnog asortimana prodavca-auto guma za službena vozila čija je specifikacija po artiklu i pojedinačnoj cijeni sastavni dio ugovora i po osnovu prihvaćenom ponudom (predračunom) prodavca broj: PRRN/03075/17/12 od 12.10.2017. god. koja je sastavni dio tenderske dokumentacije.

CIJENA UGOVORA

Član 2.

**Ugovorena cijena predmeta ugovora iz člana 1. ovog ugovora iznosi: 2.760,00 KM (dvijehiljadeišeizdeset i 00/100 KM) sa PDV-om.
Vrijednost Ugovora bez PDV-a je 2.358,97 KM**

Do promjene cijene robe može doći samo promjenom cijena na tržištu robe i uz pismenu saglasnost obje Ugovorne strane, pri čemu svaka promjena cijene robe koja je predmet Ugovora od strane Prodavca mora biti ekonomski opravdana i pismeno obrazložena.
Prodavac je dužan 7 (sedam) dana unaprijed pismeno obavijestiti Kupca o svakoj eventualnoj promjeni cijene robe.

UVJETI ISPORUKE

Član 3.

- Prodavac se obavezuje da robu isporuči i ugradi na službena vozila Kupca u svom prodajnom salonu;
- Kupac se obavezuje da robu koja je predmet Ugovora naručuje putem narudžbenice;
- Kupac je dužan pregledati primljenu robu prema redovnom toku prihvata robe, a u skladu s općim pravilima o prometu robe;
- Kupac je dužan bez odlaganja, a najkasnije u roku od tri dana, pismeno obavijestiti Prodavca o eventualno postojećoj reklamaciji na kvalitet robe.

UVJETI PLAĆANJA

Član 4.

- Dužničko-povjerilački odnos nastaje danom preuzimanja robe,

- Kupac prihvata obavezu da će fakturisani iznos za isporučenu robu platiti Prodavcu po prijemu uredno dostavljene fakture, a u skladu sa dinamikom trezorskog poslovanja Kupca.
- Valuta plaćanja za primljenu robu počinje teći od dana kada je Naručilac robe zaprimio fakturu.

ZAVRŠNE ODREDBE

Član 5.

Ugovorni organ zadržava pravo potpune ili djelimične relizacije nabavke po tenderskoj dokumentaciji.

Sve eventualne izmjene ili dopune ovog ugovora vršit će se u pisanoj formi uz suglasnost obje ugovorne strane.

Član 6.

Za sve što nije regulirano ovima ugovorom primjenjivat će se odredbe općih pravila za promet robom a u skladu sa odredbama Zakona o obligacionim odnosima FBiH.

Član 7.


Sve eventualne nesporazume po ovom ugovoru, ugovorne strane će rješavati u duhu dobrih poslovnih odnosa, a ukoliko to nije moguće ugovorne strane priznaju nadležnost Općinskog suda u Sarajevu.

Član 8.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2) primjerka.

ZA KUPCA

JU Terapijska zajednica –
Kampus Kantona Sarajevo
DIREKTOR
Kenan Kestendžić



Broj: 35-06-07-80/17-4
Sarajevo, 19.10.2017. god.

ZA PRODAVCA

„MDA“ d.o.o.



Broj
Sarajevo, 19.10.2017. god.